

**Nd.**

**733. Frumvarp til laga**

um breytingar á lögum nr. 34 2. apríl 1943 um fiskveiðasjóð Íslands, og lögum nr. 107 30. des. 1943.

Frá sjávarútvegsnefnd.

**1. gr.**

Stafl. b. í 4. gr. laga nr. 34/1943 orðist svo:

Stofnunar iðjufyrirtækja í sambandi við fiskveiðar, frystihúsa, lifrarbraeðslustöðva, fiskimjölsverksmiðja og annarra iðjufyrirtækja, sem vinna eingöngu eða að langmestu leyti að hagnýtingu sjávarafurða.

**2. gr.**

5. gr. sömu laga orðist svo:

Fiskveiðasjóður má lána gegn fyrsta veðrétti allt að helmingi virðingarverðs, þó ekki hærra lán en fimm hundruð þúsund kr. Lengsti lánstími er 20 ár.

**3. gr.**

6. gr. sömu laga og 2. gr. laga nr. 107 30. des. 1943 falli burt.

**4. gr.**

Lög þessi öðlast þegar gildi.

**G r e i n a r g e r ð .**

Í lögnum um fiskveiðasjóð Íslands er í 6. gr. svo fyrir mælt, að út á aðrar eignir en skip megi ekki lána hærri fjárhæð en kr. 75 þús. og ekki til lengri tíma en 15 ára. Ákvæði þetta er orðið úrelt, og hefur stjórn fiskveiðasjóðs óskað þeirrar breytingar á lögnum, sem í frv. þessu felst.